


Era Còlha de Santa Maria de Mijaran, vint-e-cinc ans de balhs tradicionaus



Eth grop dancèc per prumèr viatge eth 8 de seteme de 1973 en tot coïncidir damb era Hèsta Major de Vielha

III Era Còlha de Santa Maria de Mijaran a hèt ath long d'aguesta setmana diuèrsi actes commemoratius deth sòn 25au. aniversari.

Eth grop que dancèc per prumèr viatge eth 8 de seteme de 1973, an en qué se formèc, en tot coïncidir damb era Hèsta Major de

Vielha, a celebrat er aniversari damb ua exposicion fotografica que s'inaugurèc eth dia 6 ena capitau aranesa, a on se i pòt veir reflectida tota

era sua trajectòria. Tanpòc an mancat era barada de balhs ena plaça dera Glèisa o era venta de samarretes e objèctes commemoratius.



Un centenar de components formen actuaument era Còlha de Santa Maria de Mijaran

Dusau edicion dera Corsa Caminada de Montanha des 15 pòbles

IV Deman dimenge se darà, en Es Bòrdes, era gessuda d'ua naua edicion dera Corsa-Caminada de Montanha que passarà per camins vielhs qu'amiaràn tà un totau de 15 pòbles.

Aguesta pròva, qu'aurà era sua arribada ena plaça dera Glèisa de Vielha a estat organizada peth Conselh Generau, pera Associacion Hecate Gigant Mandronius e eth Conselh Esportiu.

Es participaires auràn de recórrer un totau de 19 quilomètres. Era corsa-caminada ei reconeishuda enguan coma eth prumèr Campionat de Montanha de Catalonha.

MIRALHEM-MOS

VIII De mainatge se'n encuedaue de banduar es campanes, de dar còrda ath relòtge dera glèisa de Salardú dus còps ath dia, de hèr d'escolan enes misses e d'ajudar ath sòn pair ena barberia. Tanben repartie es notificacions deth jutjat e rebrembe que plan mau de còps li calec pujar tà Montgarri, tà portar era orde de compareishença a quauquarres que viuie aquíu e qu'ère fòrça pleitejador.

Es sues vivències son producte d'un ambient familiar de fòrça e molt variada activitat laborau, e ara, as sòns 79 ans, a un pialèr de causes tà condar a toti aqueri que siguen prèsti tà escotà-lo. En article d'aué vo'n hèm cinc sòs d'ua vida benbé intensa.

Vlau. AMÀS DETH BAISH ARAN DE GASCONHA D'AFRAIRAMENT DAMB CATALONHA

Dies 19 e 20 de seteme 1998

Organisme CAOC delegacion d'Aran ALMOSC

Dissabte, 19 en Bossòst:

2au. Talhèr de balhs de salon. Passavila damb es Grallers de la Bultra de Balaguer. Aperitiu de Benveguda. Sopar d'afrairament. Clausura exposicion Joan Martínez Bruguera.

Dimenge, 20 en Les:

Concentracion des grops assistents. Missa solèmna. Dançada ena plaça deth Haro. Cafè-Concèrt damb era cantaira aranesa LÚCIA.

Telefons d'Informacion

CAOC en Barcelona - 93 284 36 34

FEDERACION SARDANISTA DES COMARQUES DE Lhèida - 973 71 19 75.
ALMOSC-CAOC - 929 35 96 25

Dubèrta era inscripcion tàs corsis de gascon-aranés

Es classes s'impairiràn tant ena Val d'Aran coma en Sant Beat

Redaccion
VIELHA

Era Oficina de Foment e Ensenhament der Aranés deth Conselh Generau d'Aran amassa damb era Association Patrimoine e Culture en Comminges-Val d'Aran an organisat uns corsis de gascon aranés que s'impairiràn tant ena Val d'Aran coma en Sant Beat.

Aguesti corsis, que compden damb eth supòrt dera Comission Europèa, auràn ua durada de quaranta cinc ores e eth lòc en quau s'impairiràn serà er Institut d'Ensenhament Segondari d'Aran, un viatge ara setmana, en tot que dera part francesa se haràn ena Mairie de Sant Beat tanben un dia per setmana.

Octobre

Un grop de professors des dus costats dera frontèra an trabalhà amassa, pendent tot er ostiu, entà premanir eth programa des corsis que començaràn en mes d'octobre e que duraràn enquiath mes de mai der an que ven.

Entà toti es que siguen interessats en seguir aguest cors, eth periòde de preinscripcion serà dubèrt enquiath 30 de seteme. Es prètzis des madeishi ei de quate mil pessetes o cent seishanta francs francesi.

Convèni

Cau d'èder qu'abantes der inici des classes se signarà un convèni entre es institucions participaires des dus costats e se harà era inauguracion oficiau d'aguest prumèr cors 98-99. Aguest acte serà dubèrt entà totes aqueres persones que i volguen prèner part eth pròplèu 15 de seteme entàs



Er I.E.S de Vielha acuelherà es corsis de gascon aranés

18.00 ores en Otèl Tuca de Betren.

Parallèlament as corsis de gascón-aranés que se haràn ena Val d'Aran e Sant Beat, tanben son a punt de començar uns auti que s'impairiràn en Barcelona.

Es interessats en aguesta opcion se pòden inscriuer en dus nivèus; er A que començarà eth 28 de seteme, e s'impairirà toti es deluns des 19 as 21 ores o ben eth nivèu B que se daurirà eth 30 de seteme, que s'impairirà toti es dimèrcles des 19 as 21 ores.

Er A ei adreçat entà toti aqueri que lo volguen aprèner a parlà-lo. Eth nivèu B en cambi ei entad aqueres persones que saben parlà-lo mès vòlen aprèner a escriuè-lo.

Aguesti corsis de Barcelona compden damb era collaboracion dera Direccion Generau de Politica Linguistica dera Generalitat de Catalonha atau coma damb eth Conselh Generau d'Aran. Eth prètz d'inscripcion ei de naut mil pessetes e era durada totau ei de seishanta ores.

Corsis de Gascon-Aranés ena Val d'Aran e Sant Beat

Periòde deth cors:

octobre de 1998 - mai de 1999

Orari:

- En Aran: Un dia per setmana a compdar des 19.00 ores.
- En Saint Beat: Un dia per setmana a compdar des 17.00 ores.'

Lòc:

- En Aran: IES d'Aran, Estudi Garona.
- En Saint Beat: Mairie de Saint Béat.

Informacions e inscripcions:

- Conselh Generau d'Aran, Oficina de Foment e Ensenhament der Aranés. Tel. 973 641801. Fax 973 641769.
- Association Patrimoine et Culture en Comminges-Val d'Aran. Tel. 05-61794025. Fax 05-61798099.

- Psicopedagogia
(2n cicle)
- Dret
- Humanitats
(també accés a 2n cicle des d'altres estudis universitaris)
- Filologia Catalana
- Ciències
Empresarials i
Administració
i Direcció
d'Empreses
- Enginyeria Tècnica
en Informàtica
de Sistemes
- Enginyeria Tècnica
en Informàtica
de Gestió
- Graduat
Multimèdia *
(titulació conjunta amb la UPC)

T'oferim l'oportunitat d'estudiar sense desplaçaments, comptant amb tota la informació al teu abast i utilitzant de forma fàcil les tecnologies més avançadas, perquè t'hi vagis familiaritzant a les portes d'un nou mil·lenni.

La UOC és una universitat que l'estudiant s'enduu a casa, sense barreres d'espai ni de temps. Ja hi han confiat 7.000 persones d'arreu de Catalunya i del món, estudiants que via Internet, i des de la Vall d'Aran, la Cerdanya o Andorra o bé des de ciutats com Brussel·les, Luxemburg, Ginebra, Viena, Pekin o Nova Jersey, cursen els seus estudis a la UOC.

Sol·licitud d'accés:
del 14 de setembre
al 17 d'octubre de 1998.

Inici periòde lectiu: febrer de 1999.

* Inici: setembre de 1999.

¡ 902 141 141

www.uoc.es

i també als centres de suport de la UOC a Barcelona, Lleida, Manresa, Reus, Sabadell i Salt.

Universitat
Oberta
de Catalunya

La Universitat Oberta als nous temps

